

增脩祁縣志

丁酉

祁縣志卷九

祁縣知縣陳 時編輯

人物二

孝友
方伎

文苑

尚義

飭行

仙釋

孝友

漢

溫壽序子為鄒平侯相棄官乞序骸骨歸葬光武嘉其

孝許之

北魏

王元遜祁人從父應援守潁川城陷遂罹害

唐

祁縣志

卷九 人物

一

張道源

見鄉賢

王燾珪孫性至孝為徐州司馬母有疾躬奉湯劑彌年

不廢帶數從高醫游遂窮其術因著外臺秘要討繹

精明世寶焉歷給事中鄴郡太守治聞於時

溫振中書令彥博之子少有雅望官至太子舍人居喪

以哀毀卒

元

溫義

見鄉賢

明

李瓚

見鄉賢

王景能祁人事孀母以孝聞孫天爵領鄉薦

渠永昌性孝友累賓鄉飲壽至九十九歲

閻紹芳祖喪承重茹素三年

胡濂麓臺坊人赴兄急難慷慨殺身

國朝

馬繹字貫珠太學生世相坊人敦行喜施嘗出貲伙侄
援例出仕歲饑買粟振隣里之貧者幼失怙事母維
謹母卒悲痛幾絕枕苫獨居者三年殯殮葬祭罔不

祁縣志

卷九

人物

二

盡禮邑侯李公旌其門

許釗字鋒雪康熙壬午科舉人幼喪父常痛不逮養事
母孝及母病狂飲食起居必躬必親二十餘年如一
日

程師伊字繼川庠生曉義村人早歲入庠克敦孝友母
既葬每遇風雨必偕仲弟彥直往哭于墓季弟彥士
尚幼撫育成立祖母病朝夕侍奉衣不解帶者兩年
餘其他扶危濟困爲人排難解紛尤鄉黨所推服年
六十六歲無疾而卒子四人

程彥直字益菴曉義村人篤行動學母病卒悲號欲絕
時父貿易西安星夜奔赴父所兩月而父亦卒扶柩
歸里與母合葬盡禮盡哀遠近悅服

曹善成篤於天顯家貧弟善行早逝遺侄龍泉甫三月
弟婦常氏誓志守節善成曲成其志躬撻作供給常
氏母子衣食無缺後家計豐足常氏 旌表建坊侄
龍泉列太學生善成之力也

高爾秀字實夫候選州同紫紅鎮人行端志和孝事繼
母頡氏頡病三年躬侍湯藥衣不解帶及卒哀毀骨

祁縣志

卷九 人物

三

立葬祭盡禮兄爾鳳早逝撫養子女如已出侄殤復
以己子承兄祀處鄉里溫厚和平人無間言學師李
邑侯楊上其優行提學蔣公以德義可尊額其門
薛貴程家庄人父太盛趨食關東貴生未識其貌也母
黨氏茹苦撫育甫能言卽問母曰父何在曰關東關
東何在曰日出處幾日到曰不能到也不能到父何
以到母異之弱冠卽欲尋父因母老家貧不能遠離
越數歲而母卒飲泣東行背負招狀由燕山抵盛京
凡寧古塔烏拉墨爾根諸處無不親歷幾及三載後

至嶺八寶山酷暑苦饑俄而風雷交作大雨如注
遂僵卧梵宇簷下山民進以水漿詢其來歷貴詳述
鄉貫及父名寺內一道士側耳傾聽杖而前曰是
吾子也相抱大痛觀者如堵以爲誠孝所感蓋其父
久隱姓名在雲光洞爲黃冠別號天機至是父子完
聚欲歸無資田間作苦者又經四載買犢牽車輦載
而歸時乾隆之丙寅年也既歸傭工奉養三年父歿
與其母合葬於村之北隅薛氏六世僅貴一人今貴
舉四子其族將大邑人戴彭年爲之立傳

祁縣志

卷九

人物

四

任志東觀鎮人孝事繼母有弟四人皆繼母所出備極
友愛家徒壁立歷艱辛撫育諸弟有成邑人稱其孝
友

渠錦塔寺村人少孤事母孝臨財廉妻之母卒爭分其
財物錦禁妻勿取性儉勤然喜施未及中年而卒其
子永澍事母亦以孝聞

程珮公東觀鎮人幼失怙稍長克自樹立事孀母以
聞友愛弱弟老而彌篤敬宗收族振恤貧乏黨無
間言乾隆三十四年邑令汪行鄉飲酒禮舉爲耆賓

以爲鄉人士勸

張正智澗村人少失怙事母致孝兄亦早逝遺幼侄復元嫂孀居正智與妻賀氏事之如母撫育遺侄恩愛彌篤又性仁厚而處事和平遠近悅服年五十餘生二子

韓煜左東村人幼喪父事母克孝弟五人皆幼煜營生養母及母卒與諸弟同爨無間言又前母姊已適程門貧苦無資歸養於家愛敬不懈

戴孜瑜字連城庠生程家庄人少孤母病常爲汲甘水

祁縣志

卷九 人物

五

於十里之外鄉里稱其孝早卒妻時氏詳列女

頡翼字秉乾舉善坊人幼喪父事母誠謹嗜學童年入泮每詢父遺事必痛哭流涕後母亦亡逢雙親忌辰悲號至寢食俱廢年三十四而卒有子三人

文苑

北魏

溫子昇

見鄉賢

隋

王頰字景文齊州刺史頡之弟也年數歲值江陵陷隨

諸兄入關少好遊俠年二十尚不知書爲其兄 所
責怒於是感激始讀孝經論語晝夜不倦遂讀左傳
禮易詩書乃歎曰書無不可讀者勤學累載遂遍通
五經究其旨趣大爲儒者所稱解綴文善談論年二
十二周武帝引爲露門學士每有議決多頰所爲而
頰性識甄明精力不倦好讀諸子偏記異書當代稱
爲博物又曉兵法益有縱橫之志每歎不逢時常以
將相自許開皇五年授著作佐郎尋令於國子講授
會高祖親臨釋奠國子祭酒元善講孝經頰與相論
難詞義鋒起善往往見屈高祖大奇之起授國子博
士後坐事解職配防嶺南數載授漢王諒府諮議參
軍王甚禮之諒舉兵數進奇策諒不能用楊素至蒿
澤將戰頰謂其子曰氣候殊不佳兵必敗旣而自殺
時年五十四撰五經大義三十卷有集十卷並因兵
亂無復存者

唐

王珣字伯玉方翼子與兄瓊弟璿以文學稱時號三王
天授初珣及進士第應制科遷藍田尉以拔萃擢長

祁縣志

卷九

人物

六

安尉因進見武后召問刑政嘉之詢其族氏對曰廢
后臣之姑也后不悅左遷亳州司法參軍神龍初爲
河南丞武三思矯制貶臨川令宋璟輔政召授侍御
史出許州長史歲旱珣時假刺史事開廩賑民卽自
劾元宗赦之累遷工部侍郎而璿至中書舍人珣嘗
爲秘書少監數年而繼職終右散騎常侍卒贈戶
部尚書謚曰孝子鎔天寶中歷右補闕殿中侍御史
王維字摩詰九歲知屬辭與弟縉齊名資孝友開元初
擢進士調大樂丞坐累爲濟州司倉參軍張九齡執

祁縣志

卷九 人物

七

政擢右拾遺歷監察御史母喪毀幾不生服除累遷
給事中安祿山反元宗西狩維爲賊得以藥下利陽
瘖祿山素知其才迎置洛陽迫爲給事中祿山大宴
凝碧池悉召梨園諸工合樂諸工皆泣維聞悲甚賦
詩悼痛賊平皆下獄或以詩聞行在時縉位已顯請
削官贖維罪肅宗亦自憐之下遷太子中允久之遷
中庶子三遷尚書右丞縉爲蜀州刺史未還維自表
已有五短縉五長臣在省戶縉遠方願歸所任官放
田里使縉得還京師議者不之罪久乃召縉爲左散

騎常侍上元初卒年六十一疾甚縉在鳳翔作書與別又遺親故書數幅停筆而化贈祕書監維工草隸善畫名盛於開元天寶間豪英貴人虛左以迎寧薛諸王待若師友畫思入神至山水平遠雲勢石色繪工以爲天機所到學者不及也客有以按樂圖示者無題識維徐曰此霓裳第三疊最初拍也客未然引工按曲乃信兄弟皆篤志奉佛食不葷衣不文綵別墅在輞川地奇勝有華子岡欵湖竹里館柳浪茱萸泝辛夷塢與裴迪游其中賦詩相酬爲樂喪妻不娶

祁縣志

卷九

人物

八

孤居三十年母亡表輞川第爲寺終葬其西寶應中代宗語縉曰朕嘗於諸王座聞維樂章今傳幾何遣中人王承華往取縉哀集數十百篇上之
溫廷筠彥博裔孫少敏悟工爲辭章與李商隱皆有名號溫李然薄於行無檢幅又多作側辭豔曲與貴胄裴誠令狐澆等蒲飲狎昵數舉進士不中第思神速多爲人作文大中末試有司廉視尤謹廷筠不樂上書千餘言然私占授者已八人執政鄙其爲授方山尉徐商鎮襄陽署巡官不得志去歸江東令狐綯方

鎮淮南廷筠怨居中時不爲助力過府不肯謁丐錢揚子院夜醉爲邏卒擊折其齒訖於絢絢爲劾吏吏具道其汙行絢兩置之事聞京師廷筠徧見公卿言爲吏誣染俄而徐商執政頗右之欲白用會商罷楊收疾之遂廢卒本名岐字飛卿著握蘭集三卷金筌集十卷外集一卷詩集五卷漢南真稿十卷學海三十卷記室備要三卷採茶錄一卷

溫憲廷筠子登進士第光啟中爲山南從事能世其詩學

祁縣志

卷九

人物

九

王緒僧辨裔孫讓永寧公輔梁書黜陳不列蕭穎士佐之著蕭梁史譜及梁不禪陳論以發緒義例使光明云

宋

王貽孫字象賢少隨周祖典商穎二州署衙內都指揮使顯德中以父在中書改朝散大夫著作佐郎宋初遷金部員外郎賜紫累遷右司郎中淳化中卒太祖平吳蜀所獲文史副本分賜大臣溥好聚書至萬餘卷貽孫遍覽之又多藏法書名畫太祖嘗問趙普拜

禮何以男子跪而婦人否普問禮官不能對貽孫曰
古詩云長跪問故夫是婦人亦跪也唐太后朝婦人
始拜而不跪普問所出對云大和中有幽州從事張
建章著渤海國記備言其事普大稱賞之端拱中右
僕射李昉求郡省百官集議舊儀貽孫具以對事見
禮志時論許其諳練云

明

郭儒號一泉祁縣人嘉靖丁酉舉人授淳化知縣涖任
六年致仕歸行李一肩視來時無異邑人士醜餽千

祁縣志

卷九

人物

十

金却弗受其居官修城堡及文廟學舍停徭役均賦
稅課諸生文藝躬歷會所甲乙必當夏給薪水必備
致政家居耕耘自給年踰八十力學不衰篤信朱子
及許魯齋薛敬軒三子嘗輯爲續近思錄而序之謂
學者由茲錄以求則聖賢可歷階而馴致矣

國朝

閻人鶴字松白會善村人家貧力學善誘後進出其門
者皆卓卓有所成就康熙壬午科舉於鄉闈墨出遠
近傳誦欽其學識

渠殿颺字景臯乾隆庚辰舉人沉潛力學鄉墨坊刻行世教授生徒多所造就撫育孤侄族黨稱孝友焉

喬煌字闇章太學生候銓布政司照磨少敏悟勤學隨父宦遊廣稽博覽尤工於詩

周南什字子文歲貢生西陽羽村人性醇樸好讀書喜施嘗曰待有餘而後濟人終無濟人之時待身暇而後讀書終無讀書之日每以此二語勵已勵人士林誦之

尚義

祁縣志

卷九 人物

十一

明

郝希敏上段都人正統六年大饑與王昶各出粟千石輸官賑濟全活甚衆王昶王喬都人

董志山來遠鎮人有客宿於其家早行遺金一袋志山見而收之客復來卽以原袋與之客取數金以謝固辭不受

王璞昶五世孫性仁慈慷慨養獨姑撫孀妹施棺捐粟賑乏周窮平居勸善息爭里黨欽服屢賓鄉飲

國朝

馬雲駟明季舉人賦異才性慷慨賑貧周急遠邇倚賴
他鄉之困于窮途者嘗贈至數百金

馬雲駿監生

府志

張雲翼庠生

府志

戴祚祥字子和程家庄人國學生兄弟五人祚祥其季
也孝友性成遇諸兄急難慨然引以爲己任常立書
舍延師課子侄及里黨之秀者其所成就多譽隆鬢
序兩遇荒年人苦饑皆出金粟以濟全活甚衆戚里
族黨緩急有無靡不相調相掇各適其意以去邑令

祁縣志

卷九

人物

十二

朱公重其行舉爲鄉介以學優行成額其門年八十
卒之日哭泣盈巷及殯出肴核酒醴之祭涕泗而奠
於途者相屬直達墓所其隱德之及人如此

劉銳字穎長塔寺村人起家勤儉不履公庭常施藥餌
以己人疾村南濱昌源河往來病涉公首倡義舉捐
三百金村人和之創建橋梁往來便之享年七十有
九子姓蕃衍

程泰然字坦公歲貢生小義村人少攻舉子業屢荐未
第村東有五馬河數罹水患倡村人築堤防禦又相

地形開渠既絕漂沒之虞復沾灌溉之利一舉兩得
里人頌之

頡儁舉善坊人治家勤儉然濟困扶危救人之急無少
吝嘗修葺學宮捐重貲竭力經營邑令姚學師張舉
爲鄉飲賓

程作賢字德甫師伊子太學生疎財仗義端正不阿村
東文昌閣久圯輸百金倡義修舉庠生程凌霄相與
募修工畢復於殿東南建塑魁星是年鄉科獲隽二
人又連歲歉收人多饑饉卽捐米於公所爲飯以活

祁縣志

卷九

人物

十三

人人感其義遂爭施焉日食數百人每飯必親爲檢
點凡三閱月全活甚衆

盧應魁字嗣昌白圭鎮人性質實力農敦詩禮事繼母
能先意承志友愛兄弟睦隣恤乏里中之幼失父母
而無依者輒收養之邑侯畢舉鄉飲爲耆賓年八十
八歲無疾而卒孫光泗雍正乙卯舉人光治庠生
羅光珺字冠玉歲貢生蒲縣訓導會善村人慷慨正直
義之所在不避艱險鄉人重之

梁鐸字覺民庠生白圭鎮人恬淡冲夷行敦古處事繼

母克孝性好施每歲出粟以濟貧乏又屢建橋梁構
茶亭不可殫記舉鄉飲介賓年八十八歲無疾而終
子姓蕃衍

溫又厲字子嚴舉善坊人又嶠之弟也慷慨質直輕財
好施雖居闖闖而行已必準諸道蓋商而有土行者
邑侯楊舉鄉飲賓

楊殿章武庠生振茂之子疎財仗義歲饑出貲振濟里
人德之

梁鉉字震公白圭鎮人少孤爲伯兄覺民所撫育及長
事兄如父自奉儉約然好施予爲人排難解紛揮金
不顧壽七十五歲無疾而終

祁縣志

卷九

人物

十四

郝培燧長頭村人康熙己酉武舉爲人慷慨好義祁邑
舊設里甲多借端侵漁邑人苦之公與弟庠生培璧
陳情上憲均平里甲定爲二十四都春秋開徵令花
戶自行完納勒石縣治大門邑人遂無里甲之累至
今頌德不衰

李讓生字謙德張庄村人少失怙孝事孀母勤苦成家
而輕財尚義本自性成從伯叔兄弟爲之營葬宗黨

賴以舉火者十數家年七十四而卒子現昇乾隆丁酉科舉人

閻成蘭字如羲泰之子家工後行商朔平歸化辛苦備嘗然存心愛物喜義行乾隆丁卯于井陘縣漢淮陰侯背水陣處捐已貲命仲子監生霈督工四載修大石橋十四空車馬通行今橋頭各憲表功石碑猶存臨終復留遺義莊丁酉井陘石橋馬頭爲水所圯嗣孫附貢生安邦鳩工補修並建河神廟以護之直隸總督周諱元理念父子繼美額于廟曰博

祁縣志

卷九 人物

十五

濟延麻以孫輔邦官 貲贈昭武大夫

閻霽字輝玉成蘭子性質樸善承親志睦族隣恤貧窮自奉儉約年荒散柴米以濟人義方教子年至七旬片紙不入公門以子輔邦官 誥封昭武大夫

閻霈字霈霖監生成蘭次子成蘭多義行霈遵行不替遇歲歉嘗出金粟以濟鄉隣或兼及隣邑多至數于人其他矜孤恤寡與人婚葬事蹟不可勝紀蓋世德相承云

閻輔邦字定遠霽之子乾隆庚辰武舉任廣東肇慶協

都司告病歸里爲人質直尚義因歲饑出貲於張名村開北興西勝兩渠轉瘠土爲沃壤水澤之利與大沙村渠接雖里衆共襄其事實輔邦倡之也

梁光祖廩貢生白圭鎮人鐸之子善事繼母友愛幼弟睦族恤隣常爲人排難解紛一鎮悅服又性豪邁所居衝要一應差務竭力支持以急公奉上爲懷而生平無一事干請於官以是歷任邑侯靡不重之子五人遊庠者四年七十餘以壽終

錢承州西陽羽人秉性慷慨仁厚康熙辛丑歲饑曾出

祁縣志

卷九

人物

十六

粟以濟人雍正庚戌復建橋通衢往來無病涉者曾孫律理乾隆辛卯武舉

馬普雲字建龍三合村人慷慨尚義一門之中伯叔昆季靡不爲之營護維持使家給人足而庭內輯和率循惟謹處鄉黨隱惡揚善一時推服年七十三卒

馬慧字益智三合村人爲人質直不事緣飾宗黨之間無間言喜推解雅重文學延師訓子備極勤懇子建藩候補衛千總

馬強字健如三合村人性渾厚生平隻字不入公門而

利人濟物靜難色尤重師儒開立書館延師訓課子
姪從學成就者甚衆長子宏謨乾隆壬申科武舉仲
季俱生監孫堯典亦早歲入泮里人榮之

飭行

明

高幹瑢之子居心公直行止光明屢賓鄉飲人無間言
壽八十九歲

國朝

羅大奇邑庠生鄉飲賓賦性慷慨行正直延師課子

祁縣志

卷九 人物

十七

長生錦康熙辛酉舉人次呈錦康熙甲子舉人

許時勤字乾夫歲貢生敦孝友自少至老謹言慎行安
貧嗜古書法冠絕一時人多珍藏之

李呈秀字韻卿舉善坊人歲貢生候選訓導博籍羣書

克敦倫紀士林欽重

溫又嶠字子貞義門溫義之裔家貧勤學乾隆甲子以
歲貢任沁水司訓正已飭士致仕歸猶好學不倦

任承光字丕烈恩貢生東觀鎮人善事父母篤行力學
里中俊造多出其門現年八十四歲

渠鑑塔寺村人秉性仁樸足不至公門長子永漪庠生
杜化龍耆賓澗村人存心和厚制行端方雖托業商農
而每爲士大夫所賓禮年七十二而卒

呂楊聲字克諧西砲守堡人性和行端周濟宗族貧乏
解釋鄉里爭訟庭內修飭有漢石氏之風子志靈志
聰俱庠生

董又新字復初庠生郟北村人勤學守正重然諾矜期
許里黨欽之

梁鈇庠生白圭鎮人鄉飲介賓爲人沉靜愷惻慈祥閭

祁縣志

卷九 人物

十八

里推服

張世祿字元勳庠生澗村人性醇謹恪守先訓善事繼
母處宗黨間有古長者風邑侯陳重其爲人以孝友
兼盡睦婣克敦舉爲鄉飲介賓

范景璧歲貢生世相坊人言行不苟獎掖後進邑之雋
士多出其門

渠肇義舉善坊人忠厚質樸崇儉黜華行敦古處孫雲
章武庠生

楊文魁小義村人治家勤儉處世謙和鄉人稱之

楊振茂文魁之于太學生繼世善良人誦世德焉

李以節歲貢生飭言行敦倫紀以介節自持羣推爲有
本有文

頡儒字汝爲庠生舉善坊人和平爾雅與人交犯而不
校

頡建章字苑鶯歲貢生舉善坊人安貧守正一介不取
凜然有國士風

頡奎章字右文舉善坊人幼而明敏長有至行闔庠八
薦鄉飲賓年七十八而卒

祁縣志

卷九

人物

十九

原泳字永叔下申村人事親能孝待弟侄曲盡恩義簡
重慎密有士君子之行邑令汪重其行舉爲鄉飲賓
邑侯簡詳咨准給八品頂帶壽八十四而終

梁耀祖字炳先鐸之季子性孝友喜施善事繼母二兄
已析居曲意遜順有古人讓產風現年七十二歲
范明鏡小賈村人慷慨好施常修合藥餌以利人邑侯
朱舉爲鄉飲賓年六十二而卒

梁鏊字景溪庠生白圭鎮人性孝友篤學不倦雍正間

薦舉優行太守劉額其堂曰砥礪廉隅

梁鈺字純菴白圭鎮人幼勤學入泮後常列優等遂食
餼恂謹寡言與物無忤好屬文已患癩症猶以左手
作書成文年六十三而卒子三煌祖邑廩生隆祖煥
祖皆國學生孫泰岳庠生

李維翰字升聞候銓吏目東沙堡人弟維植歲貢生季
弟維梅早夭遺侄恒模生纔數月翰與植一心扶持
恩勤猶子時人賢之

惠若僑字希聘拔貢生寧鄉縣籍家於祁教授生徒多

祁縣志

卷九 人物

二十

所成就

羅光瑗字衛玉會善村人呈錦子篤於孝友博通經傳
精研理學雍正壬子中式順天鄉試任教諭風格峻
整足跡不履公門接引後進則孜孜不倦兩地後先
登科第者多出其門孫映旭邑庠生

馮積隆峪口村人品行端方與人交推誠相與始終不
貳邑侯擢爲鄉正遠近欽服

王裕珍常家堡舉善都人爲人厚重與世無忤有唐虞
揖 風享年九十八歲

李植生張庄村人少孤家貧繼嗣高姓及弱冠流涕而請於高氏族長得歸宗創業成家

王鳳瑞喬家堡人忠厚沉默少失怙恃事兄惟謹親黨之中有無相濟人無間言

李瀆生張庄村人性明快遇人忿爭片言立判里人服之二十年村人無終訟者享年七十子孫蕃盛

張進朝長頭村人父歿時二弟尚幼進朝自奉節儉而弟常溫飽後家計粗足毫無私殖尋二弟早世撫遺侄三人教養成立年七十餘卒

祁縣志

卷九 人物

二十一

張文清字秀章進朝之子也幼勤誦讀長入成均爲人長厚喜推解戚屬多所成就每歲所入之餘悉以給里黨之貧者視乃父爲能世繼其美云

馬鵬雲字獻霞三合村人性誠樸尤篤友愛中年艱於嗣五旬連舉二子長子麟弱冠入邑庠人謂厚德之報年六十七卒

馬鶴雲字子仙三合村人端方爲人所敬憚延師課子甚嚴子侄輩小過必懲而疾苦體恤維殷食服一崇節儉而濟困扶危畧無難色年六十餘卒子達國學

生絡歲貢生

遠字昭公鶴雲長子幼嗜學無間寒暑後因足疾廢學援例入成均時伯叔從弟皆幼達一人支持數門先業賴以不墜子建極等六人皆列膠庠人稱一門之盛

馬紹字佩公鶴雲仲子庠生援例入成均性慷慨好義能爲人排難解紛邑侯秦舉爲鄉飲介賓子建中乾隆乙酉武舉

高爾德紫紅鎮人孝友儉勤雅崇詩禮子月攀庠生桂

祁縣志

卷九 人物

二十二

攀武庠生

戴需字潤蒼小韓村人好善樂施凡修建祠宇及橋梁必量力攸助尤喜勸善規過里人欽服

原丕謨字顯翁庠生下申村人性醇厚克敦孝友輯睦鄉隣尤雅慕詩書雖托業商農然謹言慎行有儒者意度現年六十歲

武配京字成孚廩生北團栢人孝友性成尤喜振拔寒士不計資脯一時俊造多出其門孫裕本歲貢生郭于城南團栢人太學生俊偉多智慮家貧以生殖致

饒裕性儉約不喜奢華與人接恭而有禮歲饑嘗出粟以濟人里黨重之

戴令德字永錫小韓村人存心和厚善醫有患癱者家苦貧醫之愈不索謝復贈麥數石其他行事多此類子四人年六十一卒

程象禹小義村人以耕讀爲業爲人正直和平篤宗族睦鄉隣衣冠言動有古處風

王達吉古縣村人舊籍河南獲嘉縣姓呂氏幼與古縣村王姓爲嗣家貧及達吉長經營漸至饒裕事義父

祁縣志

卷九 人物

二十二

克盡孝敬後以生父無人承祀命次子復名呂士誠歸舊籍旋入庠食餼焉

煥章字闇公儁子性質直寡交介然自守好古勤學髦而弗倦精神不減少壯厭繁華避城市携眷寓文邑馬西謁商山卜子廟見配殿田段二賢木主壞捐貲重雕創建神閣後值重修卜子廟復輸二百餘金適歲歉擇村中至貧者四十餘家月給米三斗所活甚衆人至今猶頌其德縣令高公舉鄉飲大賓

岳鍾錦小賈村世相六都人忠厚 直乾隆五年

憲賑饑錦董事特爲平允當事獎以匾曰公則人服
陳輔元字佐公李家灣舉善都人敦行飭已樂善好施
本庄北有小山係祖遺業傍山臨河氣脉所聚爲募
建關帝廟一座次子璪旋入學食餼人以爲福善
之應

渠呈華字煥文本城世相坊人性不好華飾遇人勸善
規過直言無隱曾拾遺金還其主不言德年七十有
七卒現似續蕃衍長孫家麟名列膠庠

渠德崇字事先增廣生員本城人事親以孝聞訓子弟

祁縣志

卷九 人物

二十四

彬彬有禮

渠漢琬字公瑾增廣生員本城人品行端方沉潛嗜學
教授生徒多所成就

李暉字東陽本城北街人性樸寔尚勤儉乾隆三十四
年董修學宮尤矢公矢慎

程巨觀東觀鎮六台都人幼遭繼母愛敬根于至性歷
二十餘年無間在族黨尤能仗義輸財人無不稱爲
長者

范衍字豐裕西關廂人幼事繼母勞而不怨視膳問寢

曰行弗怠故其母稱孝人皆信之子瑞芝吏員

史開秀下申村人生乎敬老憐貧其妻渠氏連生七女
因病常勸夫納妾秀不允後買女爲夫妻秀知之收
爲義女擇配出嫁後生子三長銘次庠生書三鈔夫
婦偕老

范世芬字庭蘭下申村世相坊人輕財重義有村人欠
芬銀四百兩貧不能償芬盡讓之且常給其日用人
以爲難

劉永信塔寺村人少負氣節喜讀書家貧妻喪不能復

祁縣志

卷九 人物

二十五

娶挈二子就食關東次子煒性聰慧爲擇師授業境
益窘而志不墮食缺衣單晏如也後遣煒歸籍應試
補邑弟子員論者謂信雖賚志以沒可無憾云

頡建績字輔廷大韓村人持已端重與人終身無疾言
遽色生子三長章程國學生次鵬程邑庠生

張攀桂東陽翼人舉鄉飲耆賓居心仁厚壽踰八旬
頡建紀字承廷大韓村人敦厚不佻舉鄉飲耆賓子五
長雲程早年入泮次大廣肄業成均

呂秀華下閻粲人勤儉持家端直處已生平隻字不入

公門子顯龍顯鳳孫士錦士泰曾孫六人稱昌盛

程翼南字鵬飛隄文學東觀鎮人敦忠秉信頗有古先民遺範

程銓范公村人邑庠生好學力行與物無忤

楊文燦曉義村人庠生乾隆己亥 恩科中式第三名 舉人冠英之父爲人禮賢敬士重義輕財

楊文敬曉義村人庠生乾隆己亥 恩科中式第三名 舉人冠英之胞伯爲人莊以持已和以接人

郝衍虞字思協增廣生長子聖基字子敬登雍正丙午

祁縣志

卷九 人物

二十六

賢書令河南商城有惠政歸里之日士民攀轅載道知不可復留爲立去思碑癸未鄉飲邑侯重其德延作大賓子元文字漢臣乾隆辛酉拔貢候選教諭元英字冠軍乾隆庚辰 恩科舉人揀發陝西試用知縣署直隸鄜州州同復護理本州知州印務又委署漢中府署陽縣知縣潔清自矢恪遵家訓孫以剛增廣生以健太學生以莊業儒曾孫鳳舉邑庠生元孫逢春遇春五世一堂子敬公現年八十有九尚健里人無不敬且羨云

康 字天錫賈令鎮人天性淳篤慷慨好施有閭姓者
娶王氏素貧值歲歉不能度日不得已爲分離計天
錫聞之速令將離書焚毀日給以米薪夫妻得完子
福旺字疇五事天錫先意承志生平行事恪遵父訓
親族有不能婚葬者爲給貲財令婚葬乾隆三十五
年倡修本鎮北門樓三十六年本鎮鎮河樓傍臨大
河年遠就傾邀衆重修較前址高起數丈三十八年
鎮南開南新渠灌地八頃有餘鎮人利多賴焉生四
子長瑞庠生次瑛太學生次理次瑾業儒

祁縣志

卷九

人物

二十七

范經邑魯村世相二都六甲人幼貧偕弟綸奔走苦營
父彥玉爲人重義輕財有所需兄弟力爲設措以成
父之志斯無愧乎子職云
大智魯村六台都人其生平慷慨好義遇人急難事
匍匐往救性至孝父奇龍壽八十有奇而歿母張氏
寢疾三載寢食不能自運智朝夕侍側以終母年生
于三皆能繼父志人以爲天之報施善人不爽若此
宋進璋邑北建安西關一都三甲人居心寬厚處世
和遇里黨有困乏者雖傾囊以助所不惜生子三長

德裕次國學生德盛三國學生德榮皆克守前業閭里推重焉

渠清漣爲本城舉善四都二甲人與弟清淪共篤友恭之誼終身無戾言事孀母每食必親一庭之內藹如也鄉里以爲今人所難

李仲字生方邑東沙堡人以經營起家而輕財重義族黨之蒙其惠者難罄述生子三孫十餘人皆醇謹質實善於守成論者以爲貽謀之遠云

范爾寧字子安任河堡人生性誠樸不愛華飾不喜詐

祁縣志

卷九 人物

二十八

虞事繼母委曲承順從無間言弱弟爾靜當父卽世時生甫七月賴撫育以成後不幸失明友愛尤篤摯及其壯爲之授室六禮一切加厚不以己性儉素而遂簡約也厥後析爨曲狗弟意凡其所欲悉讓焉其孝友人嘖嘖傳誦不置云

程履中字蹈和候選府經歷爲人敦厚儉朴不與外事兄弟三人履其季也大兄用中讀書少亡履爲過繼二兄之子承祀二兄時中邑庠生援例捐授浙江餘姚縣典史未二年卒於官履移襯回籍復爲償債千

金又遺子男女八人履爲之教養各及時昏嫁先履無子繼兄次子後五十餘歲生二子人皆以爲厚德之報云

武配德字勝殷邑團柏村人鄉飲僎賓爲人好善樂施村西傍大河每山水漲發行人病涉公慨然捐貲修石橋以濟今所稱凝瑞橋者是也晚年足不出戶庭惟延師課子孫至今枝葉繁盛爲東南巨族

武裕理字子順團柏村人邑庠生乃鄉飲僎賓勝殷公之孫秉性剛直風度整飭鄉之人皆矜式焉其治家嚴而有法事無大小莫不處以精細兩弟婦早寡公撫恤尤厚臨終戒子弟曰我死無他慮惟兩婺婦守節可憫汝等其善遇之

武裕璉字仲玉團柏村人入邑武庠亦鄉飲僎賓勝殷公之孫以孝友稱母年九十餘公事之如一日兄弟多早逝諸子姪俱幼教之讀書皆成立其秉性寬和生平不輕以喜怒加人而人尤愛敬之

梁斌柱字雙全邑白圭鎮人授職儀臺考注郡幕旋以艾耆歸里前邑侯朱君詢志潔行方足爲民表者都

人士爭以公應朱君重君德器以郡幕淳修表於公之堂焉

梁灝德字聿修爲雙全長子由內閣纂修議叙州同知性孝友仁慈敦行無虧弟秀林子文光皆列膠庠

馬建功字大統入邑庠生本城世相都人繹之子持躬飭已不愧端人

楊國正縣東鄉曉義都人爲人崇本尙實樂善好施孫冠英登乾隆己亥賢書

楊文明曉義都人乃孝廉楊冠英之胞伯篤於孝友鄉

祁縣志

卷九 人物

三十

人傳頌

李以敬字謹菴本城內北街人性剛直處衆仍謙和邑侯重其品延爲鄉飲耆賓年八十有七卒

郝晃三合村人舉鄉飲耆賓居心朴實舉止端方享耄耄上壽人稱齒德並茂

渠飛熊字渭賢本城人早歲入邑庠雅善岐黃之術懸壺市肆取藥者不責其值嘗曰濟人利物儒者職分內事吾家貧不能廣施尙計利哉其隱德及人如是生子二長殿颺乾隆庚辰科舉人次殿英補弟子員

孫六入泮者三己亥領鄉薦名曰湄者其次孫也人謂世德相承勿替云

程昌盛東觀鎮人維洛子邑庠生事親以孝聞撫幼弟昌明太和俱成立入武庠

呂顯鳳邑下閭粲人存心厚處世和舉鄉飲耆賓

郝彥暉三合村人援例捐從九品性恂謹然諾必慎居喪尤能以禮自範

袁佩璋字子峩本城中西街人生平負氣節讀書苦心探索悟解往往出訓詁之外爲文章掃世俗帖括語

祁縣志

卷九 人物

三十一

雖屢躓不售殊自得也又善作育人材胞侄縉髫年受業期以遠大發古人書日訓切之不欲其趨時好尙取媚俗眼性慷慨濟人緩急不責償兼善鍼砭全活甚衆前邑令王曾以八法神鍼許之垂老談世壯心猶鬱勃不已惜不獲抒胸中之奇以諸生終老云袁佩瑄字含美號公琢爲子峩胞弟自幼失怙事母以孝聞處兄弟怡怡無間尤能篤分潤之義太君喜甚公少謝章句不憚牽車服賈爲八口計而教子甚殷於時廣集藏書博訪四方名宿得進士杜登長命縉

負笈受業績學成名緇七下棘闈三經入彀而不果
售公戒之卒業有曰我願書香留鄴架誰教貨殖起
崇園女卽破產成立吾亦不悔甚毋因此自隳厥志
後年六十有七卒

布克信邑鞏家堡人年八十七歲生子五孫五曾孫二
元孫一五世一堂至今同爨

場殿元北左村人貢生秉性剛直制行端方於倫紀間
尤篤里人士常以令德孝恭友于兄弟爲之誦焉

新續人物

祁縣志

卷九 人物

三十二

孝友

武厥前明永樂時人弟庫好任俠戒之不悛後庫坐法
當流雲南苦無嗣厥泣請諸官願以身代官義而許
之厥去後庫亦改過自新撫二姪成立至今成爲巨
族厥沒雲南子孫亦繁衍道光時有晉撫武公者厥
裔也曾與北團柏武姓通譜云

閻茂字種之號敬夫祁城村人道光壬午科舉人父朝
傑早卒茂事母孝凡有所行必遵母訓性沈靜寡交
遊非公不至宰室舌耕養母先意承志病則躬侍湯

藥未曾廢離後以大挑選授潞城縣訓導因母病請
終養遂不復仕母年九十餘卒茂居喪盡哀盡禮結
廬墓側獨居三年卒年六十八歲同治壬戌年

欽旌孝子

桑廣旺舉善都人六歲失怙哀慟動人依母膝下寢食
不離長而彌孝貧不能養因棄儒服賈藉貨殖以供
甘旨數十年無少懈母病禱於神願以身代母嫌少
味思鮮食猝不及辦竟割股作羹以進死盡哀祭盡
禮孝感一鄉過其門者雖婦孺咸稱爲桑孝子家同

祁縣志

卷九

人物

三十二

治壬戌年 欽旌孝子

戴璜城內人增貢生幼而孝弟事孀母一從兄命兄違
母意輒婉解之及長事兄尤謹人無間言兄年三十
無子璜請母命爲納二妾兄卒無出乃以已子嗣之
先是璜讀書兄理家政有以蜚語離間者母惑之欲
令分爨璜極勸慰而後已其事兄之誠類如此卒年
七十二歲同治壬戌年 欽旌悌弟

梁佩珉字士珍白圭鎮人性篤友于事諸兄如嚴父兄
有疾病必躬侍之兄有義舉必贊成之敬兄之心有

加靡已同治壬戌年 欽旌悌弟

范秀媚常家堡人副貢生性謙和尤孝友事繼母色養兼至病則親嘗藥餌夙夜匪懈衣不解帶動經歲年母亦愛媚愈於所生宗黨之中或不知其爲繼母云家貧研食名重膠庠虛心服善無少長咸折節下之同治甲子科中副榜不數年卒

馬寬字子厚段家窪人例貢生弱冠時父商於外沒途次聞耗慟絕卽日就道尋父尸詳審病狀無他故惟僕棄驟而遁詢之主人多飾辭寬疑甚急鳴諸官弗

祁縣志

卷九 人物

三十四

省又訴諸大憲積兩載餘哀籲不息主人知不能隱乃供所分金物而與僕胥甘罪焉父寃竟白所居村南接昌源河田禾資其灌溉道光二十二年河水漲發入村禾盡淹歲歉人饑或議貸以粟寬曰益人幾何徒虛名耳乃集衆謀曰水不歸河吾其魚乎是非築隄不可諸君儻肯任勞費則惟我是問隄旣成一村永無水患子化蛟道光辛巳科舉人倡義辦公利人而不自利鄉人額其門曰志潔行芳

李青陽字个臣庠貢生事親愉色婉容能得歡心撫弱

弟尤極友愛生平尊師信友急公好義署臨晉縣教諭丁內艱歸遂不復仕卒年六十歲子本寬辛酉科舉人本裕邑庠生

王茂賈令鎮人貧不能娶傭工養母得錢輒奉甘旨已食糠覈而已母善怒或不食茂嘗跪膝下百方慰藉必霽母顏而後已母老多病偃卧床席間茂爲滌除穢溺經久不懈孺慕終身卒以孝聞

武運章高城村人家素貧力耕自活荒年不能供俯仰乃出妻易錢以養母育弟今運章已沒其母尚存鄉

祁縣志

卷九

人物

三十五

人憐之

渠光深段城村人咸豐九年弟居不戒於火父仲華往救被焚光深痛父及難遂以身殉

文苑

岳鳳池字翰臣乾隆癸卯科舉人少負雋才文有奇氣岳進士廷元稱爲造五鳳樓手弱冠中式兩應禮闈不售遂以大挑就教職歷任懷仁聞喜等縣訓導代州學正晚尤博覽羣書爲邑名士

武克岐字易園北團柏人乾隆癸卯科舉人喜讀諸儒

語錄詳加評點主講昭餘書院後選洪洞縣教諭
段濤乾隆壬子科舉人任壽陽縣教諭好學深思早譽
遲達傳見藝文子樹人道光癸未科進士任澤州府
教授家學淵源喬梓繼美

王在廷嘉慶戊辰科舉人博學工文尤善五言古近體
詩與文水蘇月三太谷武豹南兩進士齊名月三嘗
謂五言不如王在廷時以爲確論好讀書貧無積卷
嘗遊坊肆閒見有異書輒佯爲欲購狀就而讀之過
目卽通大義畧能上口一時號爲博雅所著詩文沒

祁縣志

卷九 人物

三十六

後多散佚惟試帖詩數十卷尙有存者

李登鰲字雲峯晉元仲子弱冠善屬文有聲鬻序間性
剛正絕干謁邑令張奇其才延爲西席益自淬厲中
嘉慶戊辰科副榜癸酉科舉人教授生徒多所成就
梁輿道光癸未科進士原任福建建陽縣知縣改官大
同府學教授宦跡無可考惟端師範勤講授前後設
帳數十年成就多人畧見藝文三進士記

閻汝舟道光癸未科進士分發河南卽用知縣詳見藝

文墓誌銘

馬爾泰嘉慶庚午科舉人品端學粹制藝尤精一時高
才生多出其門子毓巘邑廩生工書法亦能文

周西翰西陽翼村人副貢生工文善詩爲邑名宿子向
宸邑廩生向寓歲貢生克承家學

董園同治甲子科舉人英年馳譽文場爲蘇月三進士
高第弟子年六十始領鄉薦詳見藝文四先生傳

溫承蘭會善村人 恩貢生候選教諭好讀書工辭翰
試輒冠軍屢躋鄉闈齎志以沒門下士有掄元拔萃
中公車者可想見其成才之衆矣

祁縣志

卷九 人物

三十七

范秦亭高城村人歲貢生候選訓導廉隅自勵不尙圓
通文學素著弟子彌進筆耨舌耕自食其力才高命
蹇老於教授

羅映南會善村人廩生性嚴重能文章與溫董范三人
并負文名難爲伯仲故一時有四傑之稱窮益堅節
彌勁竟以坎坷終其身識者悲之

羅莫字堯階會善村人增生性和養邃皓首窮經年七
十餘猶日課有程講誦弗輟默寫五經四子書不錯
一字或作文自娛援筆立就和光同塵終身無慍色

有手批詩經禮記諸書待梓

尚義

張澎東陽翼人家貧服賈不苟取與嘉慶十四年偶於路旁拾得某宦遺金百餘兩或自思曰此物有主弋獲非義欲舍之去又恐爲他人所得則終不能歸主因懷歸置櫝中越數日宦遣价覓金澎原物封還价酬以金辭弗受時邑侯曹公義其事榜其門曰見利思義後澎壽至九旬無疾而終子孫蕃盛

武芳興東高家堡人商義州比歸日同鄉屬寄銀信者

祁縣志

卷九 人物

三十八

不一而足忽路遇馬賊盡掠銀去芳興僅攜信歸歸未三月悉售田產如數抵償一時稱爲長者有丈夫子五人人以爲厚德之報云

馬文炳字象九高村人明敏孝弟善屬詩文由廩貢歷任靈石萬泉孟縣教諭署平定州學正任孟縣時城外有黑沙嶺嶺下有溝當春水漲發行人多顛覆之虞文炳稔聞其事隱以駕橋爲已任遂捐千金倡修工竣而患除邑人勒石紀之弟文蔚太學生候銓州同急公好義賑濟村人精岐黃術有長者風

劉騰蛟字碧潭塔寺村人慷慨好施求無不應村西有
禿尾渠者水環村流其東堰低薄遇大水卽壞水遽
入村淹毀房屋村人患之道光二十年騰蛟出金購
地修築堅固水至則躬自覓人晝夜巡守村人藉以
無患至今數十年子孫率由舊章永永勿替

袁絨賈令鎮人太學生攻儒術試弗售遂就商置田百
餘畝每糶粟恐斗虛踢之使實卒時屬子俊發曰簿
有未償錢二千餘貫汝其焚之勿索也旋有無賴欲
火其場每夜潛往輒聞有譁笑聲懼不敢近泊明窺

祁縣志

卷九

人物

三十九

伺實無一人乃謂其黨曰我思中某者數矣詎知有
神呵護乎善人固不可欺也曾孫永瑞字輯五知州
銜能世其德鄰人有賈玉金者娶妻多子貧不能養
遂思鬻妻存子旣立離券矣會永瑞知遽往碎券與
粟數斛并給以田俾借種者十年賈賴以全

呂中音下閭燦村人守備銜咸豐癸丑年石佛河蛟水
漲發滄沒村舍不能舉火者百有餘家中音散米救
急水退乃止里人無不感戴

顧敬賢字冀齋下古縣堡人咸豐癸丑年石佛河暴漲

入村屋舍多被湮沒避水患者咸入敬賢家既居食之復貲濟之嘗訓諸子曰讀書何必科第爲識字農足矣晚業岐黃尤精痘科貧施以藥富不受謝子十人五人邑庠年六十餘卒

梁佩琳字貢廷白圭鎮人質直好義里人公舉義倉倉正邑侯余公以義倉善士匾其門咸豐十年施米百餘石救饑年八十七歲卒

李盤根字際深秦村人輕財好義如施衣放生等事皆所優爲咸豐十年歲饑慨出千金賑濟村人衆思刊

祁縣志

卷九

人物

四十

石紀德堅辭不受范令重其行書伏波遺風四字榜其門亦辭不受村人懸於慈智寺至今尙存

飭行

馬士傑字漢三嘉慶癸酉科拔貢授職教諭年八十五卒某贈以句云疎財仗義持已儉而能廉謹言慎行訓徒嚴而有度人謂爲信然

高克照字繼明北谷戀村人廩貢生鄉中無賴咸畏其名鋤莠安良望重閭里援例捐訓導歷權大同潞安孟縣代州學篆弟克嶷千總銜爲請六品 封典壽

八旬五世一堂鄉人榮之

張國賓字觀光東陽翼人道光甲午科舉人性情和厚富而好禮遇窮困輒周恤子孫咸有遺風

李晉元字祚長本城人太學生性儉樸好施予尤篤友于雖分爨無異同居嘗誨子孫曰汝曹當言人善毋言人惡僕有竊物者亦不使家人言其長厚類如此
李生滋東六支村人性仁孝與物無忤因禱母病遂終身不茹葷善鍼砭施藥濟人愈不受謝人有歎其錢者約數千貫喟然曰能償者料已早償此必不能償

祁縣志

卷九 人物

四十一

者也不能償尚何責遂焚其簿卒之日鄉人爲流涕焉

武天鐸字振聲北團柏村人庠生性孝謹母病瘡親吮得愈家貧嗜讀有得輒書座右或勸以著書則曰讀書期心得著書何爲

喬衡南杜村人 恩貢生品行端方與弟郡庠生嶧友愛甚篤教授生徒貧者輒貲助以故多所成就

喬映奎字炳星南社村人歲貢生敦品學嚴取予事母尤孝有勸以就教職及遠館者恐違定省皆不應授

徒里中承歡膝下實至名歸人無間言

溫理字燮卿會善村人篤於孝友樂善好施課子嚴治
家肅子五人俱成立其尤著者次子承蘭 恩貢生
三子用光歲貢生四子觀光廩貢生皆名著一時

楊聚春字體和楊家園人任甯武府學訓導解組後設
立義學以訓村蒙築牆防賊以安閭里卒年七十八
歲

周鼎元下閭燦村人行端方持家有法孝事大父母問
寢視膳甘旨不缺者二十餘年子維翰邑廩生

祁縣志

卷九 人物

四十二

喬致遠字靜亭喬家堡人性質直遇事無少回曲然嘗
留意陰隲矜孤恤寡周急濟貧尤敬師長崇文教嘗
延名師課子孫廣開學舍以容四方游學之士士林
稱之

高必舉字伯鄉北谷戀村人咸豐乙卯科武舉慷慨好
義孝友性生人有急難盡力拯救晚好讀書手不釋

卷

王自善東觀鎮人九品銜性孝文母病躬侍湯藥焚香
告天願以身代母得無恙善岐黃術不受饋遺年五

十餘生子統經統綸爲文武庠生卒年九十三歲猶及見曾孫云

張貽祺東陽翼人歲貢生候選訓導躬行實踐始終一節以身教人生前無赫赫名而感孚遍於鄉里沒後咸追念之

劉世美字克濟來遠鎮人邑庠生孝事繼母母老失明卧病三年世美躬侍湯藥無少怠後舉鄉飲介賓年六十餘卒子學易邑廩生

仙釋

唐

張果不知何許人嘗遊寓縣東南溫風嶺住石室中後人名其室爲張果老室石壁上有石櫺長二尺俗呼拴驢櫺石面有驢蹄印四深數寸室左北上有一小峯呼仙南嶺巖平凹有圓池濶一丈呼天井又有石槽爲果老飲驢之地今其遺跡猶存

宋

諸仙禪師俗姓裴祁縣人居下幘山幽仙寺一日午夢

祁縣志

卷九 人物

四十四

覺云河南好麥時三月中旬也徒衆皆竊笑師乃出麥穗袖中示之衆大異嘗入汴徽宗詔入朝賜號諸仙設讌不食問之云聞本寺鐘聲方食少頃果聞鐘聲上遣兵衛取其鐘鐘飛西崖今名墜鐘崖踰百歲髮尚黑不食百日而化

全福俗姓田祁縣人諸仙徒也從遊於汴徽宗賜號全福出入乘虎神通殊夥齡百餘整衣化色如生

國朝

常照和尚清源人幼貧詣錢營古寺謁某禪師剃度焉

師取儒書指授輒通大義年未成童卽辨藥性耽外科識者知具夙根少長讀青囊諸書益精其術爲人療病輒多效名藉一時求醫者踵相接也和尙有佛性慈悲衆生無貴賤貧富悉運大法力拔出苦海製刀圭藥施不索值手去臭腐濃血濡指無煩惱心晚兼內科嘗乘一車往來太汾間幾無虛日日醫三數家車不停軌非甚遠必馳歸歸則待治者填溢方丈篝燈調藥不遑暇食疾愈聽其自然謝弗卻不謝弗計也如是者數十年用志不紛乃凝於神一切寺務

祁縣志

卷九 人物

四十五

皆同師某僧主持曾不與聞而遠近以和尙名布施者益衆遂置田一二百畝藉供香積厨托鉢恒十數人皆其力也和尙偉軀幹寡言笑普濟一方脫離苦惱無罣礙無染着其諸菩薩之化身耶抑楞嚴之十種仙耶無何圓寂登涅槃矣

方伎

明

閩子貴祁城都人精通六壬言無不應

閩大節舉善坊人通藝術尤精於醫卜

國朝

孟介臣北團柏村人工篆刻因號石夫氏入京都考工

第二名名益著聞

呂肇勳下閩燦村人善鍼砭病者日集於門肇勳飯之

施治終日不少懈愈輒酬以花木有董杏林風

祁縣志

卷九

人物

四十六

呂致中下閩燦村人精醫學註有脉理秘訣一部

